



Broj: 03-16-8-1403-12/15
Sarajevo, 3.12.2015.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1403-10/15, od 30.11.2015. u postupku javne nabavke automobila za potrebe Parlamentarne skupštine Bosne i Hercegovine, za Lot 2. – Nabavka automobila, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1403-10/15, od 30.11.2015. i Ugovor za nabavku automobila za potrebe Parlamentarne skupštine BiH za Lot 2. - Nabavka automobila, dodjeljuje se ponuđaču M.R.M. export-import d.o.o. Ljubuški, čija ukupna cijena ponude jednog novog putničkog motornog vozila, marke Volkswagen, model i tip Passat B8 2.0 TDI SCR 4 Motion BMT DSG Comfortline i opreme za vozilo iznosi 66.900,00 KM sa PDV-om, a koji je jedini dostavio prihvatljivu ponudu.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti i ekonomsko-finansijske sposobnosti u roku od pet dana od dana prijema obavještenja o izboru najpovoljnije ponude, a prema tačkama 12.2. i 12.3. tenderske dokumentacije za nabavku automobila za potrebe Parlamentarne skupštine Bosne i Hercegovine.

(2) U slučaju da izabrani ponuđač propusti u navedenom roku dostaviti dokaze o kvalificiranosti iz stava (1) dio II. ove Odluke ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnije ponude pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o nabavci dva automobila za potrebe Parlamentarne skupštine Bosne i Hercegovine, broj: 03-16-8-1403/15, od 29.10.2015. Javna nabavka provedena je putem otvorenog postupka javne nabavke. Predmet nabavke

podijeljen je na dva lota. Procijenjena vrijednost nabavke za Lot 2.- Nabavka automobila iznosila je 67.000,00 KM sa uračunatim PDV-om. Obavještenje o nabavci broj: 166-1-1-14-3-5/15 objavljeno je dana 3.11.2015. na Portalu javnih nabavki, a u "Službenom glasniku BiH", broj 85/15, dana 9.11.2015. Komisija za nabavke imenovana je Odlukom Kolegija Sekretarijata, broj: 03-34-1-1157/15, od 3.9.2015.

Do termina zakazanog za predaju ponuda za ovu nabavku za Lot 2.- Nabavka automobila pristigla je jedna ponuda ponuđača M.R.M. export-import d.o.o. Ljubuški.

Komisija za nabavke je izvršila javno otvaranje ponuda za oba lota i evaluaciju istih, o čemu je sastavljen Zapisnik o pregledu i ocjeni ponuda, broj: 03-16-8-1403-10/15, od 30.11.2015. sa preporukama o izboru najpovoljnijeg ponuđača za oba lota. Zapisnikom je konstatovano da je ponuda firme M.R.M. export-import d.o.o. Ljubuški za Lot 2.- Nabavka automobila, prihvatljiva za ugovorni organ, jer ispunjava sve formalno pravne, ekonomske i tehničke uslove, odnosno zahtjeve ugovornog organa definisane tenderskom dokumentacijom.

Zbog činjenice da je za Lot 2. ove nabavke pristigla samo jedna prihvatljiva ponuda, nije bilo potrebe da Komisija vrši vrednovanje ponuda po kriteriju najniže cijene.

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1403-10/15, od 30.11.2015. u prilogu), da u postupku nabavke automobila za potrebe Parlamentarne skupštine BiH, za Lot 2. – Nabavka automobila, donese Odluku o izboru najpovoljnijeg ponuđača za M.R.M. export-import d.o.o. Ljubuški, čija ukupna cijena ponude novog putničkog motornog vozila, marke Volkswagen, model i tip Passat B8 2.0 TDI SCR 4 Motion BMT DSG Comfortline i opreme za vozilo, iznosi 66.900,00 KM (slovima: šestdesetšestiljadaidevetstotinakonvertibilnih maraka) sa uračunatim PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača M.R.M. export-import d.o.o. Ljubuški izabere za realizaciju Javne nabavke automobila za potrebe Parlamentarne skupštine Bosne i Hercegovine, za Lot 2. – Nabavka automobila, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u tri originalna primjerka, najkasnije u roku od 10 dana od dana prijema ove Odluke.

Dostavljeno:

- M.R.M. export-import d.o.o. Ljubuški
- Sektoru za finansije
- sekretaru Komisije za nabavke Muhamedi Humačkić
- a/a

KOLEGIJ SEKRETARIJATA:

Aida Koristović _____

Bojan Ninković _____

Marin Vukoja _____